



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-006-4/22**
Datum: **22.02.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica „TBG BH“ d.o.o. Kakanj za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda sa lokacije kompleksa - separacije kamenog agregata i postrojenja za proizvodnju betona – Poslovna jedinica Sarajevo, izgrađenog u naselju Doglodi, općina Ilidža Sarajevo, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi

R J E Š E N J E **o vodnoj dozvoli**

1. Pravnom licu „TBG BH“ d.o.o. Kakanj daje se vodna dozvola za ispuštanje tehnoloških otpadnih voda i oborinskih onečišćenih voda sa lokacije kompleksa - separacije kamenog agregata i postrojenja za proizvodnju betona – Poslovna jedinica Sarajevo, izgrađenog u naselju Doglodi, na zemljištu označenom kao k.č. broj 1475/1 K.O. Donji Butmir (z.k. stanje), što odgovara k.č. broj 1698 K.O. Doglodi, općina Ilidža, Sarajevo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Da se objekti za prikupljanje, prečišćavanje i odvodnju otpadnih voda održavaju u ispravnom stanju, redovno vrši njihovo čišćenje i pražnjenje i o tome vodi evidenciju.
 - 3.3. Da se odgovorno vodi proces proizvodnje, u svim njegovim fazama rada, kako bi se smanjio teret zagađenja i doveo do nivoa propisanog tačkom 3.5. ovog rješenja, te nakon prečišćavanja tretirane otpadne vode odvesti do ispusta izvedenog kao upojni bunar.
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja („Službene novine Federacije BiH“, broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20).
 - 3.5. Ukoliko Vlada Kantona Sarajevo propiše dodatne (strožije) uvjete za ispuštanje otpadnih voda u površinske vode, od uvjeta definisanih u tabeli 1. Priloga 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
 - 3.6. Sadržaj (mulj) iz sistema za prikupljanje i prečišćavanje otpadnih voda kao i opasni otpad (hidraulička ulja, maziva, sredstva za čišćenje i sl.) ne smije se ni privremeno odlagati na česticu «vodno dobro», odnosno u vodotoke i na njegove obale.
 - 3.7. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

- 3.8. Da se istrošena ulja, nauljene krpe i sav opasan otpad koji će nastati na prostoru postrojenja za spravljanje betona i betonske smjese redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru
- 3.9. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta je obavezan izvjestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, pravno lice, odnosno korisnik objekta «TBG BH» d.o.o. – P.J. Sarajevo, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne betonare obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

O b r a z l o ž e n j e

Pravno lice „TBG BH“ d.o.o. Kakanj obratilo se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda sa lokacije kompleksa - separacije kamenog agregata i postrojenja za proizvodnju betona – Poslovna jedinica Sarajevo, izgrađenog u naselju Doglodi, na zemljištu označenom kao k.č. broj 1475/1 K.O. Donji Butmir (z.k. stanje), što odgovara k.č. broj 1698 K.O. Doglodi, općina Ilidža, Sarajevo.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra Općinskog suda u Zenici, broj: 043-0-RegZ-18-002655 od 23.10.2018. godine;
- Kopija uvjerenja o poreznoj registraciji, izdatog od strane Federalnog ministarstva finansija, Porezna uprava - Kantonalni ured Zenica, dana 28.10.2002. godine;
- Kopija Rješenja o odobrenju za izgradnju-montažu postrojenja za spravljanje betona, izdato od strane Službe za prostorno uređenje Općine Ilidža, broj: 03-23-2762/02 dana 08.08.2002. godine;
- Kopija Rješenja o odobrenju za upotrebu donesenog os strane Službe za prostorno uređenje Općine Ilidža, broj: 03-23-1839/03 dana 21.08.2003. godine;

- Opći akt o održavanju, korištenju i osmatranju vodnog objekta i postupanju u slučaju kvara ili havarije na objektu TBG BH d.o.o.;
- Kopija rješenja o okolinskoj dozvoli izdatog od strane Ministarstva prostornog uređenja, građenja i zaštite okoliša Kantona Sarajevo, broj: 05-19-7109/20 VI dana 29.09.2020. godine;
- Kopija Rješenja o vodnoj dozvoli donesenog od strane Agencije za vodno područje rijeke Save, beoj: UP-I/25-3-40-667-3/16 05.01.2017. godine;
- Izvještaj o monitoringu kvaliteta i kvantiteta otpadnih voda pogona za proizvodnju betona TBG BH d.o.o. Kakanj – PJ Sarajevo, urađen od strane Inspekt – RGH d.o.o. Sarajevo, juni 2021. godine;
- Kopija ugovora o ozvođenju radova na čišćenju separatora i krajnjem zbrinjavanju opasnog otpada i taloga iz procesa rada sklopljen sa „AIDA-COMMERCE“ d.o.o. Sarajevo dana 14.02.2022. godine;
- Glavni projekat separatora ulja i masti u krugu betonare „TBG BH“ d.o.o. u Sarajevu, urađen od strane Zavod za vodoprivredu d.d. Sarajevo, decembar 2010. godine;
- Glavni projekat pogona za proizvodnju betona, urađen od strane IPSA Institut, februar 2002. godine (na uvid);
- Dokaz o uplaćenju upravnoj pristojbi.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-006-2/22 dana 16.02.2022. godine i konstatovano slijedeće:

Predmetni kompleks objekata - separacija kamenog agregata i postrojenje za proizvodnju betona – Poslovna jedinica Sarajevo, izgrađen je u naselju Doglodi, na zemljištu označenom kao k.č. broj 1475/1 K.O. Donji Butmir (z.k. stanje), što odgovara k.č. broj 1698 K.O. Doglodi, općina Ilidža, Sarajevo. Osnovna djelatnost firme je proizvodnja svježeg betona.

Lokacija betonare je udaljena od rijeke Bosne cca 2.5 km. U sklopu pogona nalaze se: administrativno-upravni objekat, silosi za skladištenje cementa, upravljački kontejner, postrojenje za spravljanje betona, uređaj za recirkulaciju cementne vode i agregata, kontejner za aditive, kontejner za rezervne dijelove, silosi za frakcije, bunar sa pumpom, laboratorija za ispitivanje kvalitete betona, kotlovnica (energent – lož ulje skladišteno u 4 nadzemna spremnika zapremine 1 t, dva kotla kapaciteta 210 i 280 kW), trafo stanica, privremena deponija škart betona, kontejner za skladištenje ulja i maziva, vozni park. Vodosnabdijevanje betonare se vrši iz javne vodovodne mreže i iz vlastitog bunara. Na lokaciji predmetne betonare nastaju tehnološke otpadne vode, kao višak procesne vode, vode od pranja manipulativnih površina i oborinske onečišćene vode.

U procesu spravljanja betona vrši se recirkulacija tehnološke vode i cementnog mlijeka. Tretman otpadnih voda se vrši putem taložnika (kanala sa slivnom rešetkom) i separatora (ugrađena su dva tipska separatora). Krajnji recipijent prečišćenih otpadnih voda je upojni bunar.

Održavanje voznog parka (pranje mješalica, popravke i sl.) vrši firma BOSMING d.o.o. Sarajevo, van kruga betonare, u skladu sa sklopljenim ugovorom.

Prema rezultatima monitoringa kvalitativnih i kvantitativnih karakteristika otpadnih voda predmetnog pogona utvrđeno je da parametri kvaliteta otpadnih voda zadovoljavaju kriterije navedene u Uredbi o uslovima ispuštanja otpadnih voda u okoliš i sisteme javne kanalizacije.

Na osnovu dostavljene dokumentacije uz zahtjev i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom, u tački 3. dispozitiva rješenja, propisani uslovi u skladu sa odredbama članova 53. i 116. Zakona o vodama, člana 12. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i odredbama člana 3. tačka cc) i člana 13. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje Rješenja o vodnoj dozvoli za ispuštanje tehnoloških otpadnih voda i oborinskih onečišćenih voda, te je riješeno kao u dispozitivu ovog Rješenja.

Podnosilac zahtjeva je uplatio upravnu pristojbu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju
Rukovodilac sektora za izdavanje vodnih akata



Haris Ališehović
Haris Ališehović, dipl.ing.građ.

Dostaviti:

- „TBG BH” d.o.o. Kakanj, poslovna jedinica Sarajevo, ul. Doglodi bb, 71210 Ilidža Sarajevo
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava